

**Protocol no. 5****Sezzüda da marcurdi, 8 favrer 2012 – 9.00 – 12.10**

**Preschaints:** Albert Mayer, Andri Poo, Men Caviezel, Dumeng Jann, Marianne Werro-Lehmann e Claudia Luppi (protocol)

**Protocol**

Il protocol no. 4 da la sezzüda da marcurdi, 1. favrer 2012 vain approvà.

**25      720.503      Deponia d'immundizchas Sur En  
Installaziun d'üna deponia cun sistem da cuntgnaröls  
suotterrans**

La schefa d'immundizchas orientescha chi saja previs sco ultim'etappa dal nouv concept d'immundizchas d'installar üna deponia cun sistem da cuntgnaröls suotterrans a Sur En.

Ella da il pled al manader tecnic Jon-Curdin Felix chi spiega ils avantags ed ils disavantags dals differents lös pussibels per installar quista deponia. Davò ün'intimada discussiun decida il Cussagl cumünal da posiziunar la deponia a man schneistra da la via tanter il Camping ed il cumün da Sur En.

L'import da fr. 35'000-- per la deponia es previs aint il preventiv dal 2012 ch'id es gnü fat bun da la radunanza.

**26      021      FABRICA  
W. ed E. Casura, Surtet e paraids vi da lobgia existenta,  
Surataglia**

Sün dumonda dals conjugals Casura da pudair fabricar ün surtet e paraids our da Polycarbonat vi da la lobgia existenta vers vest da lur chasa decida il Cussagl cumünal da conceder il permiss.

La taxa da trattamaint importa fr. 100--

**27      83      TURISSEM  
Finischiun pista dal sömme – elecziun d'üna cumischiun**

La schefa da turissem orientescha sur da la sezzüda ch'ella haja gnü cul directer da las Pendicularas Motta Naluns sar Egon Scheiwiler e cun oters interessats vi da la pista dal sömme illa quala saja gnü tematisà tanter oter eir il problem da la finischiun da la pista dal sömme. Quist problem es gnü trattà fingià diversas jadas i'ls ultims ons ed id es avantman eir üna studia chi valütescha diversas variantas per la finischiun da la pista da sömme. L'esit da quista studia la finischiun actuala da Plan da Muglins. Quistas variantas nu cuntaintan però dal tuot our dal motiv cha'ls tragets da la fin da la pista fin pro'ls bus da skis sun pels giasts lungs e per part stips e suvent na leivmaing transibels causa glatsch, glera e traffic sün via. La schefa propuona perquai da s-chaffir üna cumischiun chi scleriss, quant realisablas cha las ulteriuras variantas da la studia füssan e chi provess da chattar eventualmaing üna megltra soluziun. Il Cussagl cumünal decida da s-chaffir quista cumischiun ed elegia las seguaintas persunas: Marianne Werro, Andri Poo, Dumeng Jann, Armon Taverna e Jon-Curdin Felix. Il manader tecnic da las Pendicularas Motta Naluns Chasper Planta as declera pront da sustgnair la cumischiun in dumondas tecnicas.

28 86

**PROVEDIMAINTE ELECTRIC  
Infrastructura Pozzet**

Sco manzunà i'l protocol no. 3 dals 26 schner 2012 ha l'Impraisa Frars Buchli inoltrà üna proposta da predschi eir per l'infrastructura da l'aua, davò cha per l'infrastructura electrica e da chanalisaziun as vaiva abinà ün predschi acceptabel vicendaivelmaing.

Il schef d'infrastructura spiega ils avantags ma impustüt eir ils disavantags da la cumprita da l'infrastructura da l'aua e propuona finalmaing d'as concentrar sülla cumprita da l'infrastructura electrica e da chanlisaziun. Il Cussagl cumünal decida da suottametter a la radunanza cumünala il credit brüt da fr. 120'000-- per la cumprita da l'infrastructura electrica e da chanalisaziun da Pozzet.

Implü decida il Cussagl cumünal, d'incumbenzer a l'advocat cumünal sar dr. iur. Peter Andri Vital da stipular ün sböz per ün contrat correspondent tanter l'Impraisa Frars Buchli ed il cumün da Sent.

29 86

**PROVEDIMAINTE ELECTRIC  
Trafo Chavorgia – Lö per la nouva staziun da trafo**

Il schef d'energia preschainta ils differents lös pussibels per fabricar la staziun da trafo nouva gio la Chavorgia. La fabrica da quista staziun es indispensabla causa cha quista staziun da trafo sarà in avegnir da grond'importanza sco staziun da trafo principala pel cumün da Sent. Il lö adattà nun es amo chattà ed il schef d'energia giavüscha cha'l Cussagl as fetscha impissamaints sur da las differentas opziuns.

30

**ORIENTAZIUNS**

Pendicularas Motta Naluns Scuol-Ftan-Sent SA:

Il capo orientescha sur da la sezzüda dal cussagl administrativ da las PMNSFS ingiò chi saja eir gnüda discussiunada la problematica a regard la finischiun da la pista dal sömmi.

PEB – Radunanza regionala

Il capo orientescha sur da la radunanza regionala da la Pro Engiadina Bassa illa quala sun gnüts trattats ils seguaints temas principals:

- Finischiun Prà Dadoura
- Orientaziun a regard il Chastè da Tarasp
- Orientaziun a regard "Nairs Futur & Visiun 2016"

Pro Terra Engiadina

Sco rapreschantant dal cumün da Sent i'l organisaziun "Pro Terra Engiadina" vain elet il schef da pauraria Men Caviezel.

L'actuara: